



## **Universitätsbibliothek Paderborn**

**Œcumenica Cathedræ Apostolicæ Avthoritas**

**Reding, Augustin**

**[Ort nicht ermittelt], Anno M.DC.LXXXIX.**

§. IV. Corollarium præsentis VIII. disquisitionis. In quo ostenditur, Martinum V. confirmando decreta Constantiensia, & declarando, quòd à Romano Pontifice appellare non liceat, positivè propugnâsse ...

**urn:nbn:de:hbz:466:1-38717**

columna & firmamentum veritatis, attribui accephalico Ecclesiae Corpori hierarchico, neque adeo decretum emanans à tali hierarchico Corpore accephalico ullatenus dici potest Occumenicum, ac munitus infallibilitatis charaktere. Quandoquidem ergo Summus Pontifex Martinus V. Constantiensis V. Sessioni decretis non solum non accelerit, per authorizatam eorumdem confirmationem, sed hæc, ut sequenti Corollario ostendetur, implicitè saltem, ac virtualiter reprobabit, ideo proflus dicendum, ea Constantiensia decreta nullius esse roboris ac valoris.

## §. IV.

Corollarium praesentis VIII.  
Disquisitionis.

In quo ostenditur, Martinum V. confirmando decreta Constantiensia, & declarando, quod à Romano Pontifice appellare non licet, positivè propugnasse superioritatem Pontificiam.

53. E Manuel Schelstrate præced. cap. 3. ostenderat, quod Martinus V. nunquam in auctoritatem recipere voluerit decreta Constantiensia V. Sessionis, quæ intellecta de superioritate Concilij, sed potius ea rejicerit, & quies mentio de iis facta est, ea à lese improbari, significaverit: nunc videndum est, at authoritatem suam supra Concilium aliquo expresso testimonio comprobatum esse, voluerit? In Dissertatione sua Antuerpiensi cap. 3. citata finem paucis verbis indicaverat Schelstrate, Martinum V. bis ostendens, supremum sibi in rebus fidei judicium competere. Primo, dum Concilio Constantensi in publicis Sessionibus Decreta confirmatione sua indigere, monstravit. Secundo, dum in Consistorio publico de non appellando à supremo Judice Romano Pontifice, Iesu Christi in terris Vicario, constitutionem edidit. Cum autem D. Maymbourg aliqua hisce obijgere voluerit, & quædam monumenta huic spectantia, & nondum edita, ratione Orbi Catholicæ hoc nostro tempore ignota ad manus meas pervenerint, rem eruditis gratissimam me factorum existimavi, si de singulis fulsis agerem, & quād clatè Martinus V. auctoritatem supra Concilia exercerit, exponerem.

54. Ut autem à confirmatione Martini V. incipiam, cum ex ea validissimum argumentum desumi possit pro superioritate Pontificia, id ipsum debilitate conatus est D. Maymbourg cap. 24. asserens. Quod nunquam antiqua Ecclesia cognoverit aliam approbationem, aut confirmationem Conciliorum à Romanis Pontificibus factam, quām consensum ipsorum, quem illi aequi ac alijs (nimis) Episcopi dare tenebantur. Dicit, scilicet alibi monstrasse, cap. nimis 17. eiusdem Tractatus historici, ubi S. Sylvester, Leonis Magni, & Martini I. verba adducit, ut probet, confirmationem nihil aliud esse, quām sub-

scriptionem, aut suffragium à Romano Episcopo aequi, ac alijs Episcopis præbendum, ita ut in Martini V. potestate sicut non fuerit, Decretis Constantiensiibus assensum, seu suffragium suum denegare. Alius quid addit Richerius in historia Conciliorum Generalium lib. 2. cap. 4. §. 26. ex Bulla Martini V. contra errores Joannis Wicleff. Quæ, inquit, decimus tertium monimentum præcos authoritatis Concilij supra Papam nobis exhibet, quoniam Martinus omnia & singula de Concilij consensu & approbatione gerit.

Loquitur Richerius de Bulla Martini V. quæ incipit: Inter cunctas Pastorales officia, citudines, quam Basileenses in sua compilatione Actis Constantiensiibus subjecerunt, & reliqui subinde Conciliorum Collectores eodem modo post Sessionem XLV. ediderunt; unde plurimorum, & communis error irrepli, quod hæc sit Bulla confirmatoria Martini V. de articulis Joannis Hus, & Hieronymi de Praga à Concilio Constantiensi damnatis. Verum cum sedulò hanc Martini Bullam pervolvit, eamque pro haereticæ pravitatis Inquisitoribus à Martino V. sacro approbante Concilio, editam fuisse, notasse, censui, Bullam illam confirmatoriam non esse, nec post Acta Sessionis XLV. edi debuisse. Exstat Bulla illa non solum omnibus Inquisitoribus inscripta, ut eam exhibet Philippus Labbeus in sua collectione, sed & alijs particularibus; ut habet Tomus VIII. Diversorum Martini V. qui in Archivo Apostolico afferatur, in quo eadem illa Bulla reperitur cum hoc titulo & subnotacione: Martinus. &c. Venerabilibus Fratribus Salzburgenſi, Gnezenſi, & Pragensi Archiepiscopis, ac Olomucenſi, Luthomulenſi, Bambergensi, Misnenſi, Patavienſi, Wratislavienſi, Ratisponenſi, Cracovienſi, Poznanienſi, & Nitricenſi Episcopis, nec non dilectis filiis electis, ac Inquisitoribus hereticæ pravitatis, per Salzburgenſem, Gnezenſem, Pragensem, Olomucensem, Luthomulenſem, Bambergensem, Misnenſem, Patavienſem, Wratislavienſem, Ratisponenſem, Cracovienſem, Poznanienſem, & Nitricenſem Civitates & Dioceses, & alibi ubilibet constitutis, ad quos praesentes litteræ pervenerint, salutem, &c. Inter cunctas Pastorales curæ sollicitudines, quibus, &c. Datum Constantie octavo Kal. Martij anno primo. Reperiatur quoque ibidem cum sequenti inscriptione:

Martinus. &c. Venerabilibus Fratribus Cantuarienti, Eboracenſi Archiepiscopis, ac Londonensi, Roffensi, Cicesrenſi, Wintonienſi, Oxoniensi, Lincolniensi, Bathoniensi, Wellensi, Salesberienſi, Wyngermenſi, Herfordeniſi, Conventienſi, Lichfeldeniſi, Norvicensi, Cilenſi, Menevenſi, Aſſarenſi, Laudavenſi, Bavigorenſi, Dunelmensi, Carletoniſi, & Candidatæ Episcopis, nec non dilectis filiis Inquisitoribus hereticæ pravitatis per Cantuarensem, & Eboracenſem provincias, ad quos praesentes litteræ pervenerint, salutem, &c. Inter cunctas Pastorales curæ sollicitudines, &c. Datum Constantie octavo Kal. Martij anno primo.

Ex varijs hujus Bullæ titulis constat ista primis, eam faciem fuisse pro Inquisitoribus hereticæ pravitatis in Polonia, Anglia, alisque locis, ubi Wicleff, & Hus, ac Hierony-

mi Pragensis hæreses tanquam vénéna serpabant: ut mirum non sit, quod Bulla, cùm executoria esset, sacro approbatæ Concilio, à Martino V. edita dicitur. Constat secundò, editam fuisse non post finem Concilij, ut communiter ex eo creditur, quod post Sessionem XLV. legatur, sed 8. Kal. Martij, anno Pontificatus Martini primo, dum Concilium nondum Sessionem XLIII. celebrarat, ut inter Sessionem XLII. quæ 28. Decembbris anno 1417. & Sessionem XLIII. 21. Martij anno 1418. celebratae sunt, collauda sit: 8. enim Kalendæ Martij, quæ in diem 22. Februarij incident, inter utrumque diem, quibus Sessiones XLII. & XLIII. habita fuerunt, media sunt.

Cum autem ex hac observatione manifestum fiat, Bullam Martini V. confirmatoriam in Actis desiderari, opportunè omnino accidit, quod pervolvens proximis hisce diebus Regestum Variorum Martini, aliud quarendo, aliud repererim. Incidi namque præter spem omnem in Bullam Martini longè à superiori diversam, utpote quæ incipit: *Martinus &c. ad perpetuam rei memoriam. In eminentiis Apostolicæ dignitatibus speculâ superius dispositione consilij constituti, inter sollicititudines alias innumerabiles nostris humeris incumbentes, assiduâ curâ revolvimus, & in votis nostris gerimus desiderantes, ut fides Catholica, quæ Christiana Religio-nis firmissimum est fundamentum, nostris prôspere-tur temporibus, ac à contagiosis hæreticorum dog-matibus, quibus illam quasi tenebrosi fami caligine obfuscare satagent, conservetur, hæreticâque pravitas de finibus fidelium extirpetur, &c.*

Præmittit in illâ Bullâ Martini V. quæ contra errores Ioannis Wicleff. & Hus, ac Hieronymi de Praga à Ioanne XXIII. in Concilio Româno anno Pontificatus ejus tertio decreta fuenterant, duasque constitutiones ejusdem Ioannis, quarum una à Labbeo edita est *Tomo XI. Conciliorum*, altera hucusque lucem non vidit, exhibet: deinde statuta Constantiensis Concilij circa propositiones Wicleff. & Hus, nec non errorem Bohemorum de communione sub dupli specie de verbo ad verbum inse-rit: *Nos igitur declarationes, decreta, diffinitiones, reprobationes, mandata, inhibitiones, statuta, nec non & condemnationes, & sententias suprascripta rata habentes, & grata, illaque autoritate Apostolicâ ex certâ scientiâ tenore præsentium confirmantes, & præsentis scripti patrocinio communi-cantes, supplentes quoque omnes defectus, si qui forsan, propter solennitatem Iuris in procedendo non servatas, intervenerint in eisdem, volumus etiam, & eadem auctoritate decernimus, quod declaratio-nes, diffinitiones, reprobationes, mandata, inhibi-tiones, statuta, nec non condemnationes, & senten-tiae, præmiserit plenam vim, plenâque robur, & vigorem per omnia habeant, & ad ea ubilibet pro-banda hec nostra litteræ plenè sufficient, quanodcumque eas sive in judicio, sive alibi exhiberi contige-rit, vel ostendi. Nulli ergo, &c.* Nostræ appro-bationis, ratificationis, communionis, (uppletio-nis, voluntatis, & institutionis) infringere, &c. Si quis, &c.

Datum Constantiæ 8. Kal. Martij, anno primo:

Atque hæc est Bulla Martini V. confir-matoria, quæ hactenus typis descripta non fuit, omnèque nostri sæculi peritos in hunc usque diem latuit, ex qua non solum refu-tantur, quæ Richerius objectit, sed quæ & ipse D. Maymbourg superius de confirmatione Pontificiâ scriptit. Ut enim à Richerio in-cipiāt, edita est hæc Bulla à Martino V. octa-vo Kal. Martij, dum litteras executoriales ad Inquisidores hæreticas pravitatis *suprà memori-atas* eodem die transmitteret. Edidit autem Martinus hanc Bollam nomine proprio, nul-lâ Concilij mentione factâ, quod per illam Romani, & Constantiensis Conciliorum con-tra hæreticos statuta auctoritate Apostolicâ confirmaret, adeò, ut ex verâ Bullâ confi-matoriâ non habeatur monumentum præxeos authoritatis Concilij supra Papam, sed potius contrariam, authoritatis nimurum Pontificiæ supra Concilium: ad Superiorē enim spe-rat approbare, ratificare, confirmare, communare Decreta, & supplere defectus inferiorum, prout Martinus V. hac Bullâ i.e. de Decretis Patrum Constantiensium facere, in terminis afferit. Et hinc quoque pater, quid dicendum sit de ob-servatione D. Maymbourg, quâ confirmatione Pontificiâ caterorum Episcoporum subscriptionibus æquiparare non dubitavit, & huic antiquorum traditionem consonam esse, allerer aulus fui.

Quâm injuriosa namque sit Sedi Apostoli. ce authoritatis ejus interpretatio; quâm aliena na à mente Ecclesiæ hæc supremâ Pontificiæ confirmationis eneratio; non ex uno, sed ex pluribus antiquitatis monumentis, quæ ab ipso D. Maymbourg adferuntur, probari pos-tent. Non sic enim judicârunt Episcopi Con-cilij Arelatensis primi, quando statutum de uno Paschatis die ubique terrarum observan-do ad Sylvestrum I. Romanum Pontificem retulerunt, ut judicio ipsius probatum per ma-jores Romani Imperij Diæses publicaretur. Non sic tenerunt lexcenti triginta Orientales Epis-copi Chalcedone congregati, quando Cano-nem 28. de secundo honoris gradu Sedi Con-stantinopolitana tribuendo ad Leonem I. re-tulerunt, ut illum authoritate Apostolicâ pro-barer, & tanquam Caput membrorum statuta confirmaret, ac roboraret. Neque sic de au-thoritate sua judicavit Leo, & re, & nomine Magnus, dum solus Canoni 28. Chalcedonensi oblitus, eumque, quia authoritate Apostolicâ statutus non fuerat, rejecit, & nullius roboris esse, monstravit. Hæc erat de authoritate Sedi Apostolice circa Synodicorum Decreto-rum confirmationem traditio veneranda Antiquitatis, hæc confitans & indubitate senten-tia religiolæ posteritatis.

Ut enim omnitem sacrosanctum Tridentinum Concilium, quod antiquorum vestigijs in-sistens, Acta sua ad Romanum Pontificem tanquam supremum Ecclesiæ Iudicem retulit, ad ipsum Constantiensem Concilium accedo; quod post trium Obedientiarum unionem significavit, Romanum Pontificem adstringi non potuisse Decretis in materia fidei a se edi-tis, nisi postquam illa supremâ ita Sedi au-thori-

thoritate approbat. Cum enim Patres Constantienses Sessione XL. ederent professionem fidei, quam Romani Pontifices, iuxta antiquam consuetudinem, ante coronationem emitterent, inter omnia Concilia Generalia, quæ Decreta in materia fidei per totam Ecclesiam recepta ediderant, unum Constantiensem omiserunt, cum tamen plura de fide, quam ullum aliud Concilium statuisset: quâ re Patres Constantienses innuere voluerunt, se futurum Pontificem astringere non potuisse ad Decreta fidei in Concilio statuta, nisi Sedis Apostolicae judicio fuissent prius confirmata. Ne autem quisquam de Decretis Constantiensibus in materia fidei editis dubitaret, electus à tribus Obedientijs in Summum Pontificem Martinus V. voluit post Sessionem XLII. Decreta fidei auctoritate suâ Apostolica comprobare; prout fecit Bullâ confirmatorîa superius memoratâ. Illa, inquit, auctoritate apostolicâ ex certâ scientiâ praesentium tenore confirmantes, & praesentis scripti patrocinio communentes, suppletives quoque omnes defectus, si qui forsitan propter solennitates iuris in procedendo non servatas, intervererint in eisdem. Et postquam Martinus sola auctoritate Pontificia hoc modo Decreta Constantiensa in materia fidei probaverat, tunc nomine suo, consentiente Concilio, Decreta à Concilio edita, & à se probata ad cunctos hereticae pravitatis Inquisidores transmisit, ut juxta illorum tenorem, contra Wicellistas, & Hussitas agerent: quod nihil planè contra superioritatem Pontificiam facit.

61. Ne autem ullum omnino dubium restet de mente Martini V. circa auctoritatem Pontificis supra Concilium, adjungenda sunt, quæ occasione Polonorum in Consistorio publico de non appellando à Sedis Apostolica judicio, statuit. Utique res tota à sua origine repetatur, cum Concilium Sessione XIII. elegisset Commissarios tam ex Collegio Cardinalium, quam ex Nationibus ad audiendum & examinandum causas heresum, & errorum in fide Catholica, & moribus, undecumque habuissent, & haberent originem; accidit, quod Regis Polonia Legatus Nicolaus Gneznensis Archiepiscopus acceptum à Doctoribus, & Studiois Parisiensibus libellum famolum, quem Joannes à Falckenberg in Waldislausum Regem, & in omne Polonum uenit conscripsit, ad deputatos Judices detulerit, Authorem in tetur carcerem includi fecerit, & à Iudicibus Constantiensiis Concilij libellum cum omni debita solennitate, & maturitate damnari curaverit. Antequam itaque Martinus V. in Pontificem eligeretur, singula Nationes, & sacrum Cardinalium Collegium seorsim concluserant, ordinaverantque, quod dictus libellus, tanquam hereticus in Sessione publica per sacrofancatum Concilium Constantiense publicè damnaretur, seu damnatus nuntiaretur, unde post electionem Martini V. aliquoties institerunt pro publica istius libelli condemnatione. Ubi autem videbunt, à Martino V. 8. Kal. Martij, seu die 22. Februario anno 1418. heresies Ioannis Wicell, & Joannis Hus, ac Bohemorum de communiione sub duplice specie proscriptas, ac de ijs

duntraxat ad Episcopos Poloniæ, aliosque haræticae pravitatis Inquisidores litteras datas fuisse, verisimile est, eos nondum quidem appellasse, sed de appellando ad futurum Concilium cum pluribus locutus fuisse, idque ad Martini V. aures pervenisse. Hac autem occasione idem Pontifex Decretum edidit de non appellando à Romano Pontifice, de quo audiendus est Ioannis Gerlonius in Dialogo Apologetico pro Constantiensi Concilio, qui appellations Polonorum meminit, quasi jam interjecta fuisset: Pro parte Dominorum Polonorum interjecta est tandem appellatio ad futurum Concilium. Cui appellations cum respondentem esset, lata est, ut dicitur, in Consistorio Generali & publico, quod ultimò Constantiæ celebratur est, minuta quedam sub forma Bullæ.... continebatque, in modo easu licere, appellationem à Papa facere, nec eius judicium in causa fidei declinare. Quæ hic ad fert Joannes Gerlonius ex aliorum relatione in Tractatu suo: Quomodo, & an liceat à summo Pontifice appellare, seu ejus judicium declinare? tanquam rem libi compertam, & indubitatam exhibet. Absolutè enim affirmat, quod Martinus V. in sua constitutione: Ad perpetuum in memoriam, factâ, & promulgatâ in Consistorio generali celebrato Constantia 6. Idus Martij, Pontificatus sui anno primo decreverit: Nulla fas est, à supremo iudice, videlicet Apostolica Sede, seu Romano Pontifice Iesu Christi Vicario in terra appellare, aut illius judicium in causa fidei que tanquam majores ad ipsum, & Sedem Apostolicam deferenda sunt) declinare.

Testatur Joannes Gerlonius in eodem illo tractatu, Decretum hoc occasione Polonorum editum fuisse, & ipse D. Maymbourg cap. 24. illud occasione Appellationis ad ijsdem Oratoribus interposita, prodidisse affirmat, ut Martinus V. neque clarissimus, neque expeditus mentem suam de Sedis Apostolica supra Concilium auctoritate exponere potuerit: id quod adeò manifestum fit ex verbis Martini V. à Gerlonio allatis, ut hic Authori nostro aqua haeret, & cum ad pleraque à me allata responderem conatus fuerit, ad Decretum illud se nihil habere, quod opponeret, re ipsa significarit. Quamvis enim Auctor noster fingat, facilem esse responsum, dicatque: Facilius responderi potest, dicendo id, quod centes responsum est; & cui contradic negust, quod hoc, & similia verba intelligi debent de omnibus Ecclesiis particulariter sumptis, de omnibus Episcopis, Archiepiscopis, Metropolitanis, Primitibus, Patriarchis, à quorum iudicio ad Romanum Pontificem appellare licet, ita, ut nemini appellare permisum sit ad iudicium aliosque ex ipsis a sententiâ Romani Pontificis, qui ipsorum superior est, non quidem, quando adunati sunt in Concilio, Universalem Ecclesiam representante, sed quando particulariter sumuntur. Hæc tamen responso adeò infirma est, ut Lector nonnisi oculis indigeat, ad falsitatem illius ex Actis Concilij deregendam. Non enim aegebatur à Legatis Poloniae de Episcopis particulariter sumptis, sed in Concilio adunatis. Appellare volebant non ad Patriarchas, Primates, Metropolitanos, & Episcopos toto orbe dispersos, sed in Concilio Universali.

sali congregatos. Cum autem horum occasione editum fuerit a Martino V. Decretum de non appellando à Romani Pontificis iudicio, ut ipse D. Maymbourg fatetur, quæ ratione negare potest, supradicto Martini Decreto prohibitam fuisse appellationem ad Generale Concilium?

Verba illius Pontificis nimis manifesta sunt, quæ ut in dubium revocari possint: Nullius est, à supremo iudice, videlicet Apostolica Sede, seu Romano Pontifice Iesu Christi Vicario in terris appellare. Appellationem à Romano Pontifice interdict Martinus V. & rationem quoque adjungit, quod numirum Pontifex sit Iesu Christi in terris Vicarius, adeoque Divinitus ovili Ecclesie præpositus, & supremus, ut vocat ibidem, Iudex constitutus. Hæc sunt verba, quibus clariora desiderari non possunt, & quæ adē Joannis Gerfonij scriptis adversa sunt, ut erroris ea convincerent, ac Authorum in interpretandis Sessionis V. Decretis longè à Martini V. mente hucunque alienum fuisse, monstrant. Neque id latuit Gerfonium, qui Tractatum: Quomodo, & an licet à Summo Pontifice appellare & contra Martini constitutionem edidit, & Decretum illud Pontificium ex adverso cum Synodalibus constitutionibus anno 1415. sexto Aprilis Constantiæ editis pugnare, totis viribus probare contendit.

Cum autem Synodales constitutiones illæ sint ipsa duo priora Decreta Sessionis V. de deestate Ecclesiastica sine communi deliberatione, contra protestantibus Cardinalibus, & Regis Galliae Oratoribus, edita, & Ioannes Gerfonius ea de superioritate Concilij intellecta, per Martini V. constitutionem infirmata fuisse, clarii probaverit, quām ut ipse D. Maymbourg id pertinaciter negare aulus sit, adjungit Author iste: Quod si D. Schelstrate, his non obstantibus, velit, quod Martini V. hæc constitutione condemnnet, & absolute prohibeat omnem appellationem ad Universale Concilium, respondebitur ipsi finē ulla difficultate, quod etiam si ita esset, constitutio illa nullam vim sortiretur, quia facta non sunt Conciliariter, neque sacro approbante Concilio, neque cum consensu Ecclesiæ, quæ numquam voluit, in omni casu prohibitam esse appellationem à Papa ad Concilium. Verum quām vanum sit hoc effigium, vel me tacente, quisque facile percipiet. Constitutio illa, inquit D. Maymbourg, facta non est Conciliariter, neque sacro approbante Concilio. Sed quid inde? Sequitur ex eo, constitutionem illam a Martino V. factam non fuisse, vel Decreta Sessionis V. ab eo non fuisse reprobata? Constitutio in Consistorio publico die 2. Martii anno 1415. presentibus Romanæ Ecclesiæ Cardinalibus, à Martino V. Constantiæ edita fuit, cùm omnes Patres in eadem Civitate aderant, qui in nulla ex sequentibus Sessionibus se Martini Decreto opposuerunt, quin potius illud ipsum Actis Sessionis XLV. interi passi sunt. Cum enim Sessione XLV. finis imponendus esset Concilio, & Oratores vidissent, nihil circa damnationem libri Ioannis à Falckenberg ibidem publicandum fore, rem novam Legati Regis ausi sunt, inquit Martinus Cromerus Warmiensis Episcopus lib. 18. de gestis

Polonorum, ad futurum Concilium, quæ in decimum annum indicetur, provocarunt. Agunt de hæc appellatione Acta Concilij tam edita, quam inedita, omnium autem fulissimè Protonotarij Constantiæ Concilij in compilatione à se facta, in qua referunt, quod, cùm nonnulli mulsum dicerent, & tumultum facerent, Martinus V. imposito omnibus silentio, dixerit respondendo ad predicta, quod omnia, & singula Decreta Constantiæ Concilij approbabat, & ratificabat, quæ in materia fidei Conciliariter statuta erant, non autem aliter, nego, alio modo. Quo responso prudenterissimus ille Pontifex, ut ostendimus supra, significabat, quænam Decreta confirmabat, quæ authoritate Apostolice probare solebat. Ac de Decreto in primis contra propositionem Ioannis Parvi Constantiæ edito, quod Martinus in Bullâ suâ confirmatorij omiserat, & contra quod Joannes à Falckenberg in famoso suo libello aperte sentire visus erat, satis, superque ostendit, illud ipsum à se probari, ac confirmari, quia Conciliariter in materia fidei conclusum, determinatum, & statutum erat. De ipso autem libello non solum hæc crudelissimâ hæresi, sed multis quoque alijs erroribus referto, ob quos sacrum Cardinalium Collegium, & omnes Nationes illum damnabant, & in Sessione publicâ damnandum statuerant, clare ostendit, sese Decretum Nationum, & Collegij Cardinalium noluisse in autoritatem admittere. Unde cùm Paulus Vladimiri unus ex Oratoribus Polonis vellet prolequi appellationem, eamque ex quadam cedula legere ceperisset, fuit ipsi per D. Augustinum de Lance Fiscale & Advocatum Consistoriale de mandato Domini nostri Papæ, ut idem Augustinus afferret, ibidem coram eodem Domino nostro sancti impositum silentium sub pena excommunicationis, quo quidem silentio imposito, idem Paulus tacuit &c. Hæc ipsis Constantiæ Concilij Protonotarij in Actis publicis, ex quibus in primis patet, Martinum V. se superiore ostendisse Collegio Cardinalium, & cunctis Nationibus, sanctum Constantiæ Concilium integrantibus. Secundo patet, se superiore fecisse Patribus non solum serm, sive Nationaliter, & extra Sessionem publicam, sed etiam simili, sive in Sessione Conciliariter statutibus: Martinus enim appellationem à Sessione Apostolice judicio ad Concilium Universale prohibens, ne quidem iudicio conciliariter se subjectum ostendit, quinimò, teste Gerfonio, Romanum Pontificem pro supremo in materijs fidei iudice, à quo ad Concilium Universale appellare non licet, palam afferuit. Unde Sessione XLV. Polonis appellationem à iudicio suo ad futurum Concilium interpone te volentibus non solum obstat, sed quod caput est, in ipso Constantiæ Concilio, in Sessione publica, coram sacro Cardinalium Collegio, & cunctis Nationibus appellationem Polonorum reprobavit, & silentium ipsius sub pena excommunicationis imposuit, & prætermisâ damnatione libelli Ioannis à Falckenberg, finem Constantiæ Concilio, quod post trium Obedientiarum unionem universale evaserat, imposuit.

Tt 2

Quod

65. Quod itaque Martinus V. à tribus Obediens in legitimum Pontificem electus, non quam approbarit Decreta Sess. V. de superioritate Concilij intellecta, sed ea illo sensu improbabit, ac infirmabit, colligitur ex Actis & Gessis Concilij, quorum fidem in dubium revocare non licet, & probatur ex Scriptore coetaneo Iohanne Gersone, cuius testimonium Ecclesiae Gallicanae sospicuum esse nequit. Ex hoc enim Authore toties à D. Maymbourg laudato, toties Sedis Apostolicae authoritati opposito, constat, quod Martinus V. declarans, illicitum esse à Sedis Apostolicae iudicio appellare, improbarit Decreta Sess. V. de superioritate Concilij intellecta. Probat id Gerinus in Traetatu, An. & quoniam appellare liceat? ubi Decretum Martini de non appellando, hanc ob causam totis viribus impugnat. Ceterum non Concilii, sed Sedis Apostolicae authoritas suprema est in terris, utpote ad quam etiam à Conciliis appellare, teste Gelasio I. semper permisum fuit, & à qua ne quidem ad Concilium, teste Martino V. appellare unquam licebit. Romanus igitur Pontifex tanquam supremus Ecclesiae Index potestatem habet, supra quam in terris Christus Dominus nullam aliam constituit. Hac Martini V. mens est, hoc iudicium, hac sententia, Actis ipsis inserta: ita ut, si Concilium Constantie, juxta interpretationem Basileensem, hactenus fuerit Ecclesiae Gallicanae Palladium, juxta sensum Martini V. futurū sit supremæ authoritatis Apostolicae præsidium & propugnaculum.

## §. V.

Corollarium finale totius praesentis Articuli.

66. Ex dictis inferitur; Quo in censu habenda sit secunda Cleri Gallicani propositio in initio praesentis articuli relata. Nam primò, dum Cleri Gallicani declaratio fatetur: apostolicae Sedis, ac Petri Successoribus Christi Vicariis rerum spiritualium plenam inesse potestatem, disquirere hinc licet, quoniam hæc Christi vicariæ potestatis plenitudo subsistat, nisi dicitur protendit super quocunque Morali ad regnum calorum ordinabilis? In ejusmodi autem moralitatis indefinita iphæra nunquid sunt etiam decreta Conciliaria, liquidem moralia sint, etiam post sui ex authorizatione Pontificia confirmationem, secundum rerum exigentias mutabili, si vero sint dogmatica, eantibus post sui ex charactere Pontificia authorizationis confirmationem obtinere consummatae in fide infallibilitatis, Primam adeo Veritatem authoritatè applicant certitudinem, ut ipse etiam Pontifex ob ejusdem Prima Veritatis eidem taliter applicatae, summa reverentia teneatur ad eorum assentum: attamen antecedenter ad eorum ex Pontificia authorizationis accessu confirmationem, noscitur in eo adhuc versari statu, ut super ejusmodi Conciliaribus decretis comprobandis adhuc protendatur Pontificia authoritas, atque

ex hac super quocunque ad regnum exordium in terris ordinabile Morale protensione mensuranda est illa Vicaria Christi in Summo Pontifice potestatis plenitudo, quam ipse etiam Clerus Gallicanus est profellus, haud profecto substituam, nisi pretenderetur super omni Conciliari decreto. Ex vi cuius adeo protensionis non Concilium supra Papam, sed hujus supra Concilium quæ acephalitè spectatum, superioritas asserenda est.

Secundò Clerus Gallicanus in prædicta declaratione suā Synodum Constantiensem vocans Oecumenicam, rogatur, ut edoceat nos, quem Synodus illa fuerit à Christo sortita characterem in statu illo, quo contraria exhibuerit erga supremam Papæ etiam futuri autoritatem, dum ceteroqui pro statu IV. ac V. Sessionis, nonnisi dubium ac incertum Pontificem habuerat? Si expendatur totum Evangelium, præcipue 18. Matthæi caput, nullus reperi potest apex, per quem norma Oecumenici Concilii constitui valeat, nisi ex Christi nomine Vicario, Apostolicoque adeo charactere soli Papæ extra Concilium proprio, nec intrâ Concilium quoque aggregatis Ecclesiæ Præsolibus promisso, nisi isti sub Christi nomine Vicario, Papatis proprio, sint aggregati. Quo fundamento sic constituto, quæ ratione dicere licet, Constantiensis IV. ac V. Sessionis decreta fuisse Oecumenica, nisi materialiter ac dispositivè, quatenus habebant ordinem tendentia ad certum Papam, mediante Synodo illâ in hunc finem institutâ, obtinendum, ex quo character Oecumenicus accedet, ret illis decreta. At in ordine ad hunc characterem oppositus fui obex manifestus, si decreta illa ultra ordinem extirpandi schismatis, certique Papæ Ecclesie sanctæ præficiendi, extenderentur supra futurum indubitatum Pontificem. Sub cuiusmodi adeo ad schismatis tempus coartatione, atque ad certum Papam sufficiendum ordine, Concilium Constantiense, quamdiu intrâ hos subsistebat limites, poterat quasi materialiter ac dispositivè dici Oecumenicum. At sub illa supra certum Papam protensione, præallegata de Conciliorum Generalium authoritate decreta, neque à Sede Apostolica esse comprobata, neque Romanorum Pontificum, ac totius Ecclesie ulu confirmata, neque ab Ecclesia perpetua religione custodita, sed econtrari potius reprobata fuisse, constat ex fundamentis antehac deductis, in vi quorum Gallicana Ecclesia immerito videtur improbare illos, qui eorundem decretorum, quasi dubia sint authoritatis, ac minds approbatæ, robur infringunt, quatenus ultra tempus schismatis erga certum etiam, ac indubitatum Papam pretenduntur, sub apertâ etiam contradictione adversus Regem Galliæ, ejusque Oratores intra Florentinum sub Eugenio IV. & Lateranense sub Leone X. celebrata Concilia professos, Papam Synodo etiam Generali acceptum spectatæ superiorum esse, velut in antecedentibus ostensum fuit.

FINIS ARTICULI SECUNDI.